




Հաստատված է
Մարտի 2010թ. հունիսի 8-ի թիվ 5 նիստում:
Նեկտոր  Ա. Ն. Միմոնյան

ԿԱՆՈՆԱԴՐՈՒԹՅՈՒՆ

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ

ՄԻՆՉՀԱՄԱԼՍԱՐԱՆԱԿԱՆ ԿՐԹՈՒԹՅԱՆ ՎԱՐՉՈՒԹՅԱՆ

1. Ընդհանուր դրույթներ

- 1.1. Մինչհամալսարանական կրթության վարչությունը Երևանի պետական համալսարանի (այսուհետ ԵՊՀ) ինքնուրույն կառուցվածքային ստորաբաժանում է, որը գործում է Հայաստանի Հանրապետության օրենսդրությանը համապատասխան և ԵՊՀ կանոնադրության ու սույն կանոնադրության հիման վրա:
- 1.2. Մինչհամալսարանական կրթության վարչությունը վերակազմակերպվում կամ լուծարվում է ԵՊՀ նեկտորի ներկայացմամբ՝ ԵՊՀ գիտական խորհրդի որոշմամբ:
- 1.3. Սույն կանոնադրության մեջ կարող են փոփոխություններ և լրացումներ կատարվել ԵՊՀ գիտական խորհրդի որոշմամբ:
- 1.4. Մինչհամալսարանական կրթության վարչությունն ունի կնիք և ձևաթուղթ:

2. Խնդիրներն ու գործառույթները

- 2.1. Մինչհամալսարանական կրթության վարչության խնդիրներն են.
 - 2.1.1. համակարգել ԵՊՀ ընդունելության և դիմորդների նախապատրաստման ուղղությամբ համալսարանի կառուցվածքային ստորաբաժանումների աշխատանքները,
 - 2.1.2. ապահովել ԵՊՀ-ի և հանրակրթական դպրոցների միջև փոխադարձ կապի ամրապնդումը, դպրոց-բուհ համակարգի շարունակական կրթության սկզբունքը,
 - 2.1.3. իրականացնել առկա և հեռակա համակարգերի դիմորդների հետ շուրջտարվա տեղեկատվական և կազմակերպչական աշխատանքները,
 - 2.1.4. կազմակերպել բազմամակարդակ նախապատրաստական դասընթացները:

- 2.2. Մինչհամալսարանական կրթության վարչության գործառույթներն են.
- 2.2.1. ԵՊՀ կրթական ծրագրերի և մասնագիտությունների վերաբերյալ անհրաժեշտ տեղեկատվության մատչելիության ապահովման նպատակով ամեն տարի «Դիմորդի ուղեցույց»-ի և ֆակուլտետների մասին պատմող տեսասկավառակների նախապատրաստումը,
 - 2.2.2. Երևանի և մարզերի հանրակրթական դպրոցների բարձր դասարանների աշակերտներին ԵՊՀ կրթական համակարգի ծանոթացումը և մասնագիտական կողմնորոշումը,
 - 2.2.3. ԵՊՀ-ի կառուցվածքում հենակետային վարժարանի (քոլեջի) ստեղծման ուղղությամբ նախապատրաստական աշխատանքների կազմակերպումը, հանրակրթական ավագ դպրոցներում բազային դասարանների ստեղծումը,
 - 2.2.4. ԵՊՀ-ում և ՀՀ մարզերում դպրոցների ավարտական դասարանների աշակերտների համար հանրակրթական տարբեր առարկաների գծով օլիմպիադաների անցկացումը,
 - 2.2.5. ՀՀ-ում գործող ավագ դպրոցների և վարժարանների հետ համատեղ կրթական գործունեություն իրականացնելու վերաբերյալ երկարաժամկետ համաձայնագրերի կնքումը,
 - 2.2.6. ՀՀ մարզերում ԵՊՀ դիմորդների հետ տարվող աշխատանքների գծով հենակետերի (հավաքագրման մշտական ծառայություններ) ստեղծումը,
 - 2.2.7. երկարաժամկետ նախապատրաստական դասընթացներում դիմորդների գործերի ընդունման և ուսումնական գործընթացի կազմակերպումը,
 - 2.2.8. բուհական ընդունելության քննություններից առաջ արագացված նախապատրաստական դասընթացների կազմակերպումը,
 - 2.2.9. հեռակա (հեռահար) ուսուցմամբ նախապատրաստական դասընթացների մշակումը,
 - 2.2.10. դիմորդների համար բուհական ընդունելության քննություններից առաջ փորձնական քննությունների կազմակերպումը:

3. Կառուցվածքը և կառավարումը

- 3.1. Մինչհամալսարանական կրթության վարչության աշխատանքները համակարգում է ուսումնական աշխատանքների գծով պրոռեկտորը:
- 3.2. Մինչհամալսարանական կրթության վարչությունը կազմված է դիմորդների հետ տարվող աշխատանքների և նախապատրաստական դասընթացների բաժիններից:
- 3.3. Մինչհամալսարանական կրթության վարչության հաստիքացուցակը հաստատում է, դրա մեջ փոփոխություններ է կատարում ԵՊՀ ռեկտորը:

- 3.4. Մինչհամալսարանական կրթության վարչությունը գլխավորում է վարչության պետը, որին նշանակում և պաշտոնից ազատում է ԵՊՀ ռեկտորը:
- 3.5. Մինչհամալսարանական կրթության վարչության պետը իրականացնում է հետևյալ գործառույթները.
 - 3.5.1. վարչության կառուցվածքային ստորաբաժանումների անմիջական ղեկավարում,
 - 3.5.2. գիտական խորհրդում և ռեկտորատում առկա և հեռակա ուսուցմամբ ընդունելության վերաբերյալ հարցերի նախապատրաստում,
 - 3.5.3. հանրակրթական դպրոցների հետ համագործակցության երկարաժամկետ ծրագրի մշակում:
- 3.6. Մինչհամալսարանական կրթության վարչության պետը պատասխանատվություն է կրում վարչության աշխատանքների որակի, խնդիրների և գործառույթների պատշաճ կատարման համար: